



Broj: 07-05-04-55454-269/24
Sarajevo, 17.04.2025. godine

KANTON SARAJEVO
Skupština Kantona Sarajevo
n/r Elvedin Okerić, Predsjedavajući
- o v d j e -

Predmet: Odgovor na zastupničko pitanje, dostavlja se

Zastupnica u Skupštini Kantona Sarajevo Admela Hodžić, u skladu sa čl 211. i 214. Poslovnika Skupštine Kantona Sarajevo ("Službene novine Kantona Sarajevo", broj: 41/12 - Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22, 17/22 – Ispravka i 47/24), u okviru 19. radne sjednice Skupštine Kantona Sarajevo zastupnica je Ministarstvu privrede Kantona Sarajevo u pisanoj formi uputila sljedeće zastupničko pitanje:

"Koliki iznos prihoda Ministarstvo privrede Kantona Sarajevo planira od postupaka dodjele ugovora javno-privatnog partnerstva u ovoj budžetskoj godini?"

Odgovor:

Ministarstvo privrede Kantona Sarajevo, u okviru svoje nadležnosti, daje odgovor, kako slijedi:

Prije svega, Ministarstvo privrede Kantona Sarajevo je sačinilo set propisa koji uređuju Javno privatno partnerstvo na području Kantona Sarajevo i to: Zakon o javno javno-privatnom partnerstvu Kantona Sarajevo ("Službene novine Kantona Sarajevo", broj 43/23) (u daljem tekstu: Zakon), Pravilnik o planiranju potencijalnih projekata JPP-a, uspostavi i vođenju registra ugovora o JPP-u ("Službene novine Kantona Sarajevo", broj 23/24) (u daljem tekstu: Pravilnik) i Uredbu o kriterijima i postupku dodjele ugovora o Javno - privatnom partnerstvu ("Službene novine Kantona Sarajevo", broj 31/24) (u daljem tekstu: Uredba).

Ministarstvo privrede Kantona Sarajevo nema planiranih projekata javno privatnog partnerstva u 2025. godini.

Pored navedenog, Ministarstvo privrede Kantona Sarajevo je dostavilo akt, broj: 07-05-14-2342/25 od 23.01.2025. godine i broj: 07-05-14-4642/25 od 10.02.2025. godine, svim javnim tijelima na postupanje, kojim od javnih tijela zahtijeva postupanje, tj. da u skladu sa Zakonom i Pravilnikom izvrše blagovremene analize postojanja potencijala za uspostavu JPP-a, sačine srednjoročni i godišnji plan potencijalnih projekata JPP-a, te da usvojene planove objave na svojoj web stranici i iste dostave nadležnom organu u skladu sa odredbama Zakona i Pravilnika. Tako je Ministarstvo finansija Kantona Sarajevo, aktom, broj: 08-04-14-4642 od 26.02.2025. godine, Ministarstvo unutrašnjih poslova Kantona Sarajevo, aktom, broj: 01-9-04-1180/25 od 04.03.2025.

godine. Ministarstvo za rad, socijalnu politiku, raseljena lica i izbjeglice Kantona Sarajevo, broj: 07-05-14-4642-2/25 od 12.03.2025. godine, KJP "Sarajevo - šume" d.o.o. Sarajevo, aktom, broj: 0103-1286-2/25 od 08.04.2025. godine, obavijestilo ovo Ministarstvo da nemaju planiranih projekata javno privatnog partnerstva. Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo, aktom broj: 05.08-14-4642-1/25 od 27.02.2025. godine dostavilo je Ministarstvu privrede Kantona Sarajevo sljedeću dokumentaciju:

- Obrazac - JPP-P-01-Srednjoročni plan potencijalnog projekta javno - privatnog partnerstva za period 2025.- 2027. godine;
- Obrazac - JPP-P-02-Godišnji plan potencijalnog projekta javno - privatnog partnerstva za 2025. godinu;
- Prijedlog za savjetodavne usluge za transakciju za postrojenje za prečišćavanje otpadnih voda Butile izrađen od strane Međunarodne finansijske korporacije (IFC) bez broja od 24.01.2023. godine, i
- Mišljenje Ministarstva finansija Kantona Sarajevo, broj: 08/03-02-4647/24 od 04.06.2024. godine. Nakon uvida i analize dostavljene dokumentacije Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo, Ministarstvo privrede Kantona Sarajevo je utvrdilo da ista sadrži određene nedostatke, odnosno da nije usklađena sa Zakonom i Pravilnikom, te je zatražilo dopunu dokumentacije, koja do danas (17.04.2025. godine) nije dostavljena. Ministarstvo privrede Kantona Sarajevo je također, svim jedinicama lokalne samouprave uputilo urgenciju, aktom broj: 07-05-14-2342-1/25 od 21.03.2025. godine. Postupajući po predmetnoj urgenciji Općina Trnovo je aktom, broj: 02/5-04-1055/25 od 27.03.2025. godine, Općina Hadžići, aktom broj: 08-45-1532-1/25 od 01.04.2025. godine i Grad Sarajevo, aktom, broj: 09-11-2333-1/25 od 07.04.2025. godine, obavijestili su Ministarstvo privrede Kantona Sarajevo da nemaju planiranih projekata javno privatnog partnerstva.

Ujedno ovo Ministarstvo se aktom, broj: 07-05-14-4642-7/25 obratilo i javnim preduzećima (KJP "ZOI'84" Olimpijski centar Sarajevo d.o.o. Sarajevo, KJP "Veterinarska stanica" d.o.o. Sarajevo, KJP "Poljoprivredno dobro Butmir" d.o.o. Sarajevo-Ilidža, KJP "Sarajevo šume" d.o.o. Sarajevo, KJP Centar "Skenderija" d.o.o. Sarajevo) koja su u resoru Ministarstva privrede Kantona Sarajevo sa zahtjevom da ista u skladu sa Zakonom i Pravilnikom, eventualne potencijalne projekte javno privatnog partnerstva uvrste u srednjoročni i godišnji plan potencijalnih projekata, a koji moraju biti usklađeni sa dokumentom okvirnog budžeta ovih javnih preduzeća, odnosno godišnjim finansijskim planom, te iste dostave ovom Ministarstvu.

Ističemo, da Zakon propisuje sve aspekte javno privatnog partnerstva, definiciju pojma javno privatnog partnerstva, predmet, svrhu Zakona, a to je da omogući transparentan, nediskriminatoran i jasan okvir za uspostavu javno privatnog partnerstva i provedbu projekata JPP-a od strane domaćih i stranih pravnih lica sa javnim partnerom, pa sve do izbora konsultanta, dodjele ugovora, pravne zaštite i drugih značajnih pitanja za javno privatno partnerstvo. U smislu ovog Zakona javno privatno partnerstvo predstavlja dugoročni ugovorni odnos između privatnog i javnog partnera u cilju pružanja javne usluge i/ili zadovoljenja javne potrebe putem projekta JPP-a. Nadalje, odredbama člana 15. ovog Zakona je propisano da projekat JPP-a mora imati iskazanu pozitivnu vrijednost za novac u komparatoru troškova javnog sektora (engl. Public Sector Comparator – PSC), tj. da vrijednost za novac (Value for Money) iskaže da je javno privatno partnerstvo bolja opcija za javnog partnera u odnosu na klasičan model finansiranja projekta kada javni partner iz Budžeta finansira, gradi i upravlja projektom. Prema tome, iz naprijed navedenog proizilazi da se kroz projekat javno privatnog ostvaruje i ušteda u Budžetu Kantona Sarajevo

mobiliziranjem privatnog kapitala, a kroz poboljšanje, dostupnost i kvalitetu pružanja javne usluge odnosno zadovoljenja javnih potreba putem projekta JPP-a.

Takoder, napominjemo da u skorijoj budućnosti očekujemo ostvarenje prihoda za Kanton Sarajevo kroz projekte javno privatnog partnerstva, iako Ministarstvo privrede Kantona Sarajevo u 2025. godini nema još uvijek zaključenih ugovora po osnovu modela javno privatnog partnerstva.

Medutim, treba imati u vidu da je pravni okvir koji reguliše oblast javno privatnog partnerstva donesen u periodu 2023/2024 godine, tj. Zakon donesen dana 12.10.2023. godine, a stupio na snagu dana 20.10.2023. godine. Pravilnik stupio na snagu dana 14.06.2024. godine, te Uredba o kriterijima i postupku dodjele ugovora o javno-privatnom partnerstvu ("Službene novine Kantona Sarajevo", broj 31/24) (u daljem tekstu: Uredba) stupila na snagu dana 09.08.2024. godine.

Tako da konkretni prihodi u Budžetu Kantona Sarajevo po osnovu modela javno privatnog partnerstva se mogu ostvariti tek nakon implementacije i realizacije ovih projekata, uzimajući u obzir da ovaj Zakon pored ostalog propisuje da se svaki projekta mora zasnivati na studiji opravdanosti koja između ostalog uključuje analizu vrijednosti za novac (komparator troškova javnog sektora).


MINISTAR

Zlatko Mijatović

Dostavljeno:

1. Naslovu.
2. Vladi Kantona Sarajevo.
3. Evidenciji i
4. Arhivi.